

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 24 (1934)

Rubrik: Rapport della radunonza populara d. Romania a Razen, ils 2 e 3 de settember 1934

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 02.04.2026

ETH-Bibliothek Zürich, E-Periodica, <https://www.e-periodica.ch>

memorativas che dueian dacheudenvi vegnir deponidas el curtgin d'honor a Trun sper igl ischi. Cun quei intent vegn tratg ora ina commissiun, pres.: Prof. Dr. Tuor. Liug festiv per 1934 vegn fixau Razen. Ei duei dar ina fiasta communabla cun las autras uniuns romontschas Renania, Ladinia e Sesana. La suprastanza per 1933/34 vegn constituida sco suonda:

President: Ignazi Beer, stud. ped., Tavanasa,
 Vice-pres.: Placi Huonder, stud. teol., Sedrun,
 Actuar: Aluis Schuoler, stud. fil., Sumvitg,
 Passivs: Prof. Dr. Ramun Vieli, Cuera,
 Sgr. Dr. med. Gion Jeger, Cuera.

Confirmai vegnan ils revisurs de quen:

Dr. Aug. Cahannes, Cuera,
 Victor Sialm, Segnas-Mustér

ed il cassier: Ludv. Huonder, scolast, Mustér.

Igl actuar: *Aluis Schuoler*, stud. fil.

Rapport della radunonza populara d. Romania a Razen, ils 2 e 3 de settember 1934

La fiasta della Romania dils 1934 astga vegnir scretta cun scartira grossa en la cronica della Romania. El liug festiv de Razen han quei di las 4 uniuns romontschas de students Romania, Ladinia, Renana e Sesana purschiu in l'auter il maun per demussar, ch'ellas seigien malgrad las differenzas confessionalas e dialectalas, soras, feglias d'ina mumma, della Romontscha. Schegie

che l'aura era buca fetg favoreivla per far fiasta, ha in grond pievel priu part dil cumin romontsch, sco nus astgein numnar quella tschentada.

Suenter il til festiv atras il vitg sa igl actual president Nazi Beer beneventar silla piazza festiva ell' umbriva dil casti de Razen in grond diember de prominents romontschs, d. a. vegl cuss. fed. Dr. Calonder, P. Maurus Carnot, Peider Lansel e cuss. gov. Dr. Ganzoni. Sgr. pres. com. Tschalèr fa silsuenter in cordial beinvegni allas uniuns romontschas en num dil pievel de Razen. Ei suonda ils 2 excellents referats de sgr. prof. Dr. P. Tuor, Bern: «La muntada dil romontsch dal pugn de vesta historic e giuridic» e de sgr. Dr. O. Gieré: «Il romontsch al spartavias». (Vide Gasetta Romontscha No. 36!)

La sera suenter tscheina serimnan ils participants della fiasta tier ina cordiala sera romontscha cul pievel de Razen ella sala de scola Els han il plascher ded udir leu plaids de Dr. Felix Calonder, Dr. Ganzoni, mistral Condrau, cuss. gov. Dr. Willi, Peider Lansel, St. Loringett, scol. Devonas, prof. Dr. Vieli, igl organisatur della fiasta e producziuns de directur Bezzola, Gian Fontana, T. Dolf e Men Rauch. En la producziun dramatica de P. Maurus Carnot «Nies Vazerol Romontsch» compara la mumma romontscha avon ils égls dils aspectaturs e benedescha la ligia dellas 4 uniuns romontschas Romania, Ladinia, Renania e Sesana. Sut direcziun de sgr. prof. Tuor

pren la tschentada unanimamein ina resoluziun, che duei confirmar la moziun tschentada da S. M. Nay e dils ulteriurs deputai dil cussegl grond, per pretender risguard per il romontsch en scola, sin cadruvi, sin cumin, el cantun ed ella confederaziun. (Gas. Rom. No. 36!).

Gliendisdis allas 8 ei requiem per ils commembers defuncts della Romania e Sesana cun in edificont riug de Sur Simonett e silsuenter radunonza generala en casa de scola. Tractandas: Prelecziun dil protocol, rapport dil cassier ed approbaziun entras ils revisurs de quen e la radunonza, rapport davart il «Tschespet» entras il redactur Sur Gion Cahannes e davart igl «Ischi» da sgr. prof. Vieli. Milsanavon vegn era la domanda dil curtgin d'honor a Trun en discussiun. Ei vegn concludiu d'exprimer alla vischnaunca de Trun il giavisch d'ereger el curtgin sut gl' ischi 2 tablas commemorativas per ils meriteivels campions rom. prof. Placi Condrau e Dr. G. M. Nay. Il president dil comité niev vegn incaricaus cun quella missiun. El duei proceder conform allas statutas novas pil curtgin d'honor che duessen ton pli spert entrar en vigur. De destinar il liug festiv per la radunonza 1935 ed ils 2 commembers honoraris el comité vegn surschau alla suprazionza nova, ella quala ils sequents commembers activs vegnan elegi:

President: Ervin Durgiai, stud. jur., Cuera,

Vice-pres.: Aluis Schuoler, stud. med., Sumvitg.

Actuar: Toni Halter, stud. ped., Surcuolm;

Confirmai en lur uffecis vegnan ils revisurs de quen:

Dr. Aug. Cahannes, Cuera e

Victor Sialm, Segnas-Mustér

ed il cassier: Ludv. Huonder, scolast, Mustér.

Igl actuar: *Antoni Halter*, stud. ped.

Rapport dell'Uniun romontscha dil Plaun

1932/33 e 1933 34

Per orientaziun de tgi che s'interessescha suonda ina cuorta relaziun davart l'Uniun romontscha dil Plaun, che appartegn al territori della Romania.

1. *Referats*. A Razen: Sgr. Dr. Aug. Cahannes, Damondas de vischnaunca, ils 8 I. 33. A Panaduz: Rev. sgr. P. Maurus Carnot, Co e cun tgei flurettas che jeu sun returnaus tier la mamma romontscha, ils 26 XII, 32; Sgr. C. A. Bieler, La germanisaziun de Panaduz, ils 2 IV. 33.

L'Uniun rom. dil Plaun ha arranschau en siu circuit eifer diesch onns ver trenta referats romontschs sur de divers temas e problems actuals. Quests referats comprovan che l'Uniun rom. dil Plaun havess in dretg d'existenza e ch'ella savess contribuir buca mo al manteniment dil pauper e sbittau lungatg della tiara, mobein era alla cultivaziun ed instrucziun generala dil pievel.